

Nuachtlitir an Gheimhridh, 2023



Bhí leath-théarma gnóthach againn i nGaelscoil Lir agus táimid an-bhródúil as obair iontach na páistí.

Bord Bainistíochta Nua

Táimid fíorbhuíoch de iarbhaill an Bord Bainistíochta as a dtacaíocht agus a dtreoir ar fad le bliain anuas. Bhí ról lárnach acu i gcultúr dearfach, oscailte agus comhoibritheach a chruthú i nGaelscoil Lir a théann chun tairbhe do phobal uile na scoile, ach go háirithe ar ár ndaltaí.

De réir Lámhleabhar Rialachais na Bunscoile, tugadh treoir dúinn bord nua a cheapadh don tréimhse 2023-2027. Tar éis cuireadh a thabhairt do thuismitheoirí ainmniúcháin a chur faoi bhráid an Bhoird Bainistíochta, ainmníodh máthair amháin agus athair amháin. Toisc nach raibh ach ainmniúchán amháin i ngach catagóir, bhí an bheirt thuismitheoir sin tofa. Seo a leanas ár mBord Bainistíochta nua, 2023-2027:

- Cathaoirleach/Ionadaí an Phatrúin: Siobhán Ní Dhúill
- Rúnaí/Ionadaí na Foirne: Sinéad Bheilbigh
- Ionadaí na Foirne: Ciara Nic Oscair
- Ionadaí an phobail: Conchubhair Mac Ghloinn
- Ionadaí na dtuismitheoirí: Fionnuala Ní Bhaoill
- Ionadaí na dtuismitheoirí: Osgur Ó Ciardha

Tá muid gan ionadaí pobail baineann. Má tá aithne agat ar aon duine a d'fhéadfadh a bheith oiriúnach don ról, atá ina chónaí nó atá ag obair sa cheantar, agus a bhfuil cumas maith Gaeilge acu, cuir in iúl dúinn é.



Aonach Nollag Theach Sagard

Bhí a gcéad lá amach ag Cór Ghaelscoil Lir ar an Satharn, 2 Nollaig. Chan na páistí ag Aonach Nollag Theach Sagard agus bhí siad iontach. Bhí an ceoil bhinn agus an t-iompar thar barr. Bhíomar chomh bródúil as ár gcór beag. Buíochas leis na teaghlach a tháinig amach chun tacú leo. Buíochas freisin lenár bhfoireann iontach as an obair ar fad a rinne siad agus iad ag ullmhú, agus as a bheith ann ar an lá. Tús álainn le féile na Nollag.

Tinreamh

Caitheadh gach scoil in Éirinn taifid tinrimh a choinneáil do gach dalta. Tá dualgas ar an phríomhoide na Gníomhaireachta um Leanaí agus an Teaghlach a chur ar an eolas má bhíonn páistí idir 6-16 bliana d'aois as láthair ar feadh níos mó ná 20 lá i scoilbhliain.

Caithfidh an príomhoide freisin na Gníomhaireachta um Leanáí agus an Teaghlach a chur ar an eolas más rud é, dar leo, go bhfuil fadhb thinrimh ag dalta scoile. Is riachtanas dlíthiúil é seo agus níl smacht ag Gaelscoil Lir air.



Tar éis Covid, agus na srianta a cuireadh i bhfeidhm, tá sé deacair do theaghlach a bheith cinnte cén uair ba chóir dóibh a bpáiste a choinneáil sa bhaile, nó iad a sheoladh ar scoil. Tá cáipéis faoi iamh a léiríonn an chomhairle reatha ó NEPS (Seirbhísí Náisiúnta Síceolaíochta Oideachais). Bain úsáid as seo mar threoir agus cinneadh á dhéanamh maidir le do pháiste a choinneáil sa bhaile. Má tá amhras ort, déan teagmháil leis an scoil.

Poncúlacht

Tá sé tábhachtach go bhfreastalódh páistí ar scoil in am gach lá. Múintear matamaitic nó Curaclam Teanga na Bunscoile ó 8:30. Má bhíonn páiste déanach go rialta, cruthaíonn sé bearnaí ina gcuid foghlama agus cuireann sé teorainn lena ghnóthachtáil oideachais.

Tá poncúlacht an-tábhachtach ag am baile freisin. Caithfear naíonáin a bhailiú ag 1:10pm, agus páistí i ngach rang eile a bhailiú ag 2:10pm. Tuigimid go mbíonn moill ar thuismitheoirí uaireanta, ach éiríonn páistí inníoch nuair a bhailítear déanach iad, go háirithe má tharlaíonn sé go rialta.



Seachtain Eolaíochta

I rith ár sheachtain Eolaíochta, bhí lampaí laibhe, bolcáin, paraisiúit, uibheacha agus dathú bia ar fud na háite. Chuir Emma an tEolaí ó Junior Einstein seo bríomhar ar bhun dúinn. Bhain gach duine taitneamh as an bhfoghlaim ghníomhach agus táimid an-bhuíoch de Michaela, Laura agus Ciara as na gníomhaíochtaí agus na himeachtaí a eagrú.

Seirbhís iarscoile agus clubanna iarscoile

Is féidir lenár bpáistí rochtain a fháil ar sheirbhísí iarscoile i KidsInc. atá béal dorais le Gaelscoil Lir. Is rogha iontach é do thuismitheoirí a dteastaíonn uair an chloig bhreise uathu má tá siad faoi bhrú páistí a bhailiú ón scoil nó má tá cúram leanáí lánaimseartha de dhíth orthu. Déan teagmháil le: rebecca@kidsinc.ie le haghaidh tuilleadh sonraí agus foirmeacha iarratais, nó is féidir é a phlé le Sinéad.

Clubanna iarscoile eile atá ar fáil dár ndaltaí (spás ar cíós ó ETNS Ráth Cúil):

- Catch Dance Academy
 - Déardaoin 1.10pm - 2.10pm (Naíonáin Shóisearacha agus Mhóra)
 - Déardaoin 2.10pm - 3.10pm (Rang 1 agus 2)
 - Déan teagmháil le Melanie: catchdanceacademy@gmail.com
- Serena Brady Ballet and Lyrical/Modern Dance (Gach aois)
 - Dé hAoine ó 3pm (Amanna ranga ar fáil ó Serena)
 - Contact: serena@serenabrady.com

Má tá aon smaointe agat maidir le clubanna, is féidir é a phlé le Sinéad ag am ar bith. Bheadh cuid dár múinteoirí sásta clubanna iarscoile ar nós ealaín, spóirt nó cluichí a reáchtáil má tá dóthain suime ann.



Ceardlann Drumadóireachta

Bhí deis ag na páistí páirt a ghlacadh i gceardlann drumadóireachta le Neil Dowling ó Drumming Nature. Bhain na daltaí an-taitneamh as an eispéireas.

Lón Scoile

Anuraidh, thug an Roinn Oideachais cuireadh dúinn léirithe spéise do Chlár na mBéilí Scoile a dhéanamh. Rinneadh iarratas, agus bhí áthas foghlaim le déanaí go mbeidh Gaelscoil Lir in ann

béilí te a chur ar fáil dár ndaltaí ar fad ó, tá súil againn, Aibreán 2024. Tá sleachta agus samplaí iarrtha againn ó chomhlachtaí éagsúla, agus beidh grúpaí dár ndaltaí páirteach sa phróiseas roghnúcháin.

Scoil Ghníomhach / Racaí Rothar

Suiteáladh racaí rothar ar chlós na scoile le déanaí, rud a chuireann áit shábháilte ar fáil do na páistí chun a rothair agus a scútair a pháirceáil. Moltar do na páistí rotháiocht nó scútáil chun na scoile, fiú ón sean carrchlós.

Obair bhaile

Toisc go mbeidh na páistí gnóthach ag ullmhú do Sheó na Nollag (20/12/23), ní bheidh aon obair baile scríofa ann don chuid eile de mhí na Nollag. Cuirfear liricí abhaile, agus beidh cleachtadh le déanamh ag na páistí.

Aonach Leabhair

D'éirigh go hiontach lenár gcéad Aonach Leabhar. Buíochas le bhur bhflaithiúlacht, rinneamar os cionn €350 brabús ó na díolacháin. Úsáidfean an t-airgead seo chun leabhair a cheannach do leabharlann scoile atá á fhorbairt againn.

Athbhreithniú Beartais: Frithbhulaíocht

Déanfar athbhreithniú ar ár bpolasaí frithbhulaíochta ag an gcéad chruinniú eile den Bhord Bainistíochta. Tá aiseolas ó thuismitheoirí an-tábhachtach dúinn agus dá bhféadfá an t-am a chaitheamh an polasaí a léamh agus moltaí a thairiscint bheimis an-bhuíoch. Tá folláine na ndaltaí agus na foirne lárnach inár gcur chuige: mura bhfuil daoine sona agus sábháilte ní féidir leo dul faoi bhláth, agus sinn atá muid ag iarraidh do phobal uile na scoile.



Níl bronntanais riachtanach

I nGaelscoil Lir, táimid díreach craiceáilte faoi chruthaitheacht na páistí. Ba bhreá linn cártaí lámhdhéanta a fháil an Nollaig seo. Ní gá bronntanais a sheoladh isteach, is bronntanas ann féin é a bheith ag obair leis na páistí iontacha gach lá.

Lámh

Buíochas mór le SLT Clara, mamaí Barra, atá ag teacht isteach chun Lámh a mhúineadh do na páistí Dé hAoine seo. Is cineál teanga chomharthaíochta é Lámh do dhaoine a mbeadh cabhair bhreise cumarsáide ag teastáil uathu. Coinnigh súil amach do chomharthaí Lámh agus muid ag canadh Rudolf ag ceolchoirm na Nollag.

Crannchur na Nollag

Beidh Crannchur na Nollag againn i mbliana chun airgead a bhailiú do threalamh agus bréagáin Aistear. Tá duais iontach ar fáil agus is féidir ticéid a cheannach ón oifig ar €2 an ceann nó 3 ar thicéid ar €5. Beidh an tarraingt ar siúl le linn Seó an Gheimhridh an tseachtain seo chugainn (20/12/2023).

Cairde na Scoile

Beidh a gcéad imeacht á reáchtáil ag cumann nua na dtuismitheoirí, 'Cairde na Scoile', an Aoine seo, 15 Nollaig óna 8:30r.n. Tugtar cuireadh do thuismitheoirí teacht isteach sa scoil le haghaidh caife agus comhrá. Buíochas le hAnne-Marie, Clara agus Thomas as an ócáid seo a eagrú. Chun tuilleadh eolais a fháil, seol ríomhphost chucu ag cns@gslir.ie, nó labhair le Shinéad.

Dátaí tábhachtach:

- 15 Nollaig: Scagthástáil Éisteachta agus Amhairc (N. Bheaga)
- 15 Nollaig: Maidin Chaife na dTuismitheoirí ó 8:45 r.n.
- 20 Nollaig: Seó Geimhridh ag 12pm (2 aoi in aghaidh an pháiste)
- 21 Nollaig: Cuairt ó Dhaidí na Nollag
- 22 Nollaig: An lá deireanach de Théarma 1 (am críochnaithe 11:30r.n.)
- 8 Eanáir: An chéad lá den Téarma

Mar fhoireann, tá muid chomh buíoch as an tacaíocht agus meas ó theaghlaigh na bpáistí. Go raibh maith agat as gach rud a dhéanann sibh.

Nollaig Shona agus Athbhliain Faoi Mhaise daoibh go léir.

Foireann Ghaelscoil Lir